



21. august 2009

UKA 2009/136

Inatsisartut Suleriaasianni § 36 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq: Ullutsinni annertunerpaamik arnat ilinniagaqartuupput, tamannalu siunissaq ungasinnerusoq eqqarsaatigalugu suliffeqarfinni naliginnaasumillu arnat angutillu akornanni pissutsinik equngasunik pilersitseriaannaalluni. Nunatsinni ilinniarfinnik arnat angutillu naligiinnerusumik atuinissaat Naalakkersuisunit qanoq qulakkeerniarneqarpa?

(Inatsisartunut ilaasortaq Naaja H. Nathanielsen, Inuit Ataqatigiit)

Tungavilersuut:

Ullutsinni naligiissitaanerup tungaatigut unammilligassat arlaqarput. Angutit arnallu akunnerini pissutsitigut assigiinngitsutigut equngasoqarpoq.

Naatsorsueqqissaartarnerit najoqqutaralugit angut kalaaleq pillugu allassimasuni persuttaasarnerit, imminornerit ilinniagakinnerlu malunnaateqarput. Tamannalu angutit arnallu akornanni pissutsinik oqimaaqatigiinngissitsinermik pilersitsisuuvoq, sutigullu tamatigut inuiaqatigiinnut, ilaqutariinnut ataasiakkaanut aammalu suliffissaqarnerup aaqqissugaaneranut sunniuteqarluni.

Taamaammatt naligiissitaanerup tungaatigut pissutsit akuersaarnanngitsut uagut inuiaqatigiittut siunertalimmik illuatungilertariaqarpavut. Tamakkulu pineqartillugit angutit amerlanerusut siunissami ilinniagaqarnissaat qulakkiissallugu pingaaruteqarluinnarpoq.

Nuna tamakkerlugu ilinniarfinni tamani angutunik pisariaqartitsivugut, tassanilu ilaatinneqarlutik arnanut suliffissatut isigineqarnerusartunut ilinniarfiit - perorsaasunnngorniarfiit napparsimasunillu paarsisunnngorniarluni ilinniarfiit.